

BOLETIN OFICIAL

DEL

OBISPADO DE LEÓN

SUMARIO. — Carta Encíclica de Su Santidad el Papa Benedicto XV. — Santa Pastoral Visita. — Administración de Cruzada. — Decreto de la S. C. del Santo Oficio. — Suscripciones. — Nombramientos — Santas Misiones. — Necrología.

Acta Benedicti PP. XV

LITTERAE ENCYCLICAE

Ad Venerabiles fratres Patriarchas Primate Archiepis-
copolos Episcopos aliosque locorum Ordinarios pacem
et communionem cum Apostolica Sede habentes

BENEDICTUS PP. XV

VENERABILES FRATRES SALUTEM ET APOSTOLICAM

BENEDICTIONEM

Ad beatissimi Apostolorum Principis cathedram ar-
cano Dei providentis consilio, nullis Nostris meritis, ubi
profecti sumus, cum quidem Christus Dominus ea ipsa
Nos voce, qua Petrum, appellaret, *pasce agnos meos, pas-
ce oves meas* (1); continuo Nos summa cum benevolen-

(1) Ioan XXI, 15-17.

tiae caritate oculos in gregem, qui Nostrae mandabatur curae, convertimus; innumerabilem sane gregem, ut qui universos homines, alios alia ratione, complectatur. Omnes enim, quotquot sunt, Iesus Christus a peccati servitute, profuso in pretium suo sanguine, liberavit; nec vero est ullus, qui a beneficiis redemptionis huius exceptione excludatur: itaque genus humanum divinus Pastor partim Ecclesiae suae caulis iam feliciter inclusum habet, partim se eodem compulsurum amantissime affirmat: *Et alias oves habeo, quae non sunt ex hoc ovili: et illas oportet me adducere, et vocem meam audient* (1).—Equidem non vos hoc celabimus, venerabiles Fratres: ante omnia, divina certe benignitate excitatum, sensimus in animo incredibilem quemdam studii et amoris impetum ad cunctorum salutem hominum quaerendam; atque illud ipsum fuit Nostrum in Pontificatu suscipiendo votum, quod Iesu mox crucem subeuntis, fuerat: *Pater sancte, serva eos in nomine tuo, quos dedisti mihi* (2).

Iam vero, ut primum licuit ex hac arce Apostolicae dignitatis rerum humanarum cursum uno quasi obtutu contemplari, cum laetabilis observaretur Nobis ante oculos civilis societatis conditio, acri sane dolore affecti sumus. Quo enim pacto fieri ut Nostrum communis omnium Patris animum non vehementissime sollicitaret hoc Europae atque adeo orbis terrae spectaculum, quo nullum fortasse nec atrocius post hominum memoriam fuit, nec luctuosius? Omnino illi advenisse dies videntur, de quibus Christus praenuntiabit: *Audituri .. estis praelia, et opiniones praeliorum .. Consurget enim gens in gentem, et regnum in regnum* (3). Tristissima usquequaque dominatur imago belli; nec fere nunc est aliud quod hominum cogitationes occupet. Maximae sunt praestantissimaeque opulentiae gentes quae dimicant: quamobrem quid mirum, si horri-

(1) Ioan. X, 16.

(2) Ioan. XVII, 11.

(3) Matt. XXIV, 6, 7.

ficis bene instructae praesidiis, quae novissimae ars militaris invenit, conficere se mutuo exquisita quadam immanitate contendant? Nec ruinarum igitur nec caedis modus: quotidie novo redundat cruore terra, ac saucis completur exanimisque corporibus. Num, quos ita videris alteros alteris infestos eos dixeris ab uno omnes prognatos, num eiusdem naturae, eiusdem societatis humanae participes? Num fratres agnoveris, quorum unus est Pater in caelis? Dum autem infinitis utrimque copiis furiosè decernitur, interea doloribus et miseriis, quae bellis, tristis cohors, comitari solent, civitates, domus, singuli premuntur: crescit immensum in dies viduarum orborumque numerus; languent, interceptis itineribus, commercia; vacant agri; silent artes; in angustiis locupletes, in squalore inopes, in luctu sunt omnes.

Hisce Nos tam extremis rebus permoti, in primo tamquam limine Pontificatus maximi, Nostrarum partium esse duximus, suprema illa Decessoris Nostri, praeclarae sanctissimaeque memoriae Pontificis, revocare verba, iisque iterandis, Apostolicum officium auspicari; vehementerque eos, qui res regunt vel gubernant publicas, observavimus, ut, respicientes quantum effusum iam esset lacrimarum et sanguinis, alma pacis munera reddere populis maturarent. Atque utinam, Dei miserentis beneficio, fiat, ut, quem Angeli in ortu divini hominum Redemptoris faustum cecinere nuntium, idem, ineuntibus Nobis vicarium Ipsius munus, celeriter insonet: *In terra pax hominibus bonae voluntatis* (1). Audiant Nos ii, rogamus quorum in manibus fortuna civitatum sita est. Aliae profecto adsunt viae, rationes aliae, quibus, si quae, sunt, violata iura, sarciri possint. Has, positis interim armis, bona experiantur fide animisque volentibus. Ipsorum Nos universarumque gentium amore impulsus, nulla Nostra causa, sic loquimur. Ne sinant igitur hanc amici et patris vocem in irritum cadere.

(1) Luc. II, 14.

At vero, non solum huius cruenti dimicatio belli miserimos habet populos, Nosque anxios et sollicitos. Alterum est, in ipsis medullis humanae societatis inhaerens, furiale malum; idque omnibus, quicumque sapiunt, est formidini; utpote quod, cum alia iam attulerit et allaturum sit detrimenta civitatibus, tum huius luctuosissimi belli semen iure habeatur. Etenim ex quo christianae sapientiae praecepta atque instituta observari desita sunt in disciplina rei publicae, cum stabilitatem tranquillitatemque ordinis illa ipsa continerent, necessario nutare funditus coeperunt civitates, ac talis et mentium converio et morum demutatio consecuta est, ut, nisi Deus mature adiuvet, impendere iam humanae consortionis videatur exitium. Itaque haec cernimus: abesse ab hominum cum hominibus coniunctione benevolentiam mutuam; despiciatui haberi eorum qui praesunt, auctoritatem; ordines cum ordinibus civium iniuriose contendere; fluxa et caduca ita sitienter appeti bona, quasi non alia sint, eaque multo potiora, homini proposita ad comparandum. His quidem quatuor capitibus causas totidem contineri arbitramur, cur societas humani generis adeo graviter perturbetur. Danda igitur communiter est opera, ut pellantur e medio, christianis nimirum principiis revocandis, si vere consilium est pacare communes res recteque componere.

Ad primum Christus Dominus, cum hanc ipsam ob causam de caelis descendisset, ut, quod invidia diaboli eversum fuerat, restitueret in hominibus regnum pacis, non alio illud voluit niti fundamento, nisi caritatis. Quare haec saepius: *Mandatum novum do vobis: ut diligatis invicem* (1), *Hoc est praeceptum meum, ut diligatis invicem* (2), *Haec mando vobis, ut diligatis invicem* (3), tamquam si unum hoc suum esset officium et munus, adducere homines ut diligerent inter se: Atque huius rei gratia, quod

(1) Ioan. XIII, 34.

(2) Ioan. XV, 12.

(3) Ioan. XV, 17.

non adhibuit argumentorum genus? Susplicere in caelum nos omnes iubet: *Unus est enim Pater vester, qui in caelis es* (1), Omnes, nullo nationis aut linguae aut rationum discrimine, eandem docet formulam precandi: *Pater Noster, qui es in caelis* (2), quin etiam affirmat Patrem caelestem, in beneficiis naturae dilargiendis, ne merita quidem singulorum discernere: *Qui solem suum oriri facit super bonos et malos: et pluit super iustos et iniustos* (3); Fratres etiam nos tum dicit inter nos esse, tum suos appellat: *Omnes autem vos fratres estis* (4) *Ut sit ipse primogenitus in multis fratribus* (5). Quod vero ad fraternum amorem excitandum vel erga eos quos naturae superbia contemnit valet plurimum, in infimo quoque suae ipse vult agnosci, personae dignitatem: *Quam diu fecistis uni ex his fratribus meis minimis, mihi fecistis* (6). Quid, quod sub exitu n vitae impensissime rogavit Patrem, ut quotquot in se ipsum essent credituri omnes caritatis copulatione essent unum? *Sicut tu Pater in me et ego in te* (7); Denique e cruce pendens, suum sanguinem in nos omnes exhausit, unde quasi coagulati compactique in unum corpus, sic amaremus inter nos, quemadmodum inter membra eiusdem corporis summa amicitia est.— Verum longe aliter se habent mores horum temporum. Namquam fortasse fraternitatis humanae tanta fuit, quanta hodie, praedicatio; quin imo non dubitant, Evangelii voce neglecta, operaque Christi et Ecclesiae posthabita, hoc fraternitatis studium efferre, tamquam unum e maximis muneribus, quae huius aetatis humanitas pepererit. Re tamen vera, numquam minus fraterterne actum est inter homines, quam nunc Crudelissima

(1) Matth. XXIII 9.

(2) Matth. VI, 9.

(3) Matth. V. 45

(4) Matth. XXIII, 8.

(5) Rom. VIII, 29.

(6) Matth. XXV, 40.

(7) Ioan, XVII, 21.

ob dissimilitudines generis sunt odia; gentem a gente potius similtates, quam regiones separant; eadem in civitate, eadem intra moenia flagrant mutua invidia ordines civium; inter privatos autem omnia amore sui, tamquam suprema lege, diriguntur.

Videtis, venerabiles Fratres, quam necesse sit omni studio eniti, ut Iesu Christi caritas rursus in hominibus dominetur. Hoc certe semper Nobis propositum habituri sumus, velut proprium Nostri Pontificatus opus; hoc ipsum studete vos, hortamur. Ne desistamus vel inculcare auribus hominum vel re praestare illud Ioannis: *Diligamus alterutrum* (1). Praeclara certe, valdeque commendanda sunt illa, quibus haec aetas abundat beneficentiae causa institutis; at enim, si quid ad veram Dei et aliorum caritatem in animis fovendam conferant, tum demum solidae utilitatis sunt: quod si nihil eo conferat, nulla sunt: nam *qui non diligit, manet in morte* (2).

Alteram diximus communis perturbationis causam in eo consistere, quod iam non sancta vulgo sit eorum qui cum potestate praesunt, auctoritas. Ex quo enim placuit omnis humanae potestatis non a Deo, rerum conditore et dominatore, sed a libera hominum voluntate deducere originem, vincula officii, quae eos inter qui praesunt et qui subsunt, intercedere debeant, adeo extenuata sunt, ut prope modum evanuisse videantur. Immodicum enim studium libertatis cum contumacia coniunctum, paullatim usquequaque pervasit; idque ne domesticam quidem societatem cuius potestatem luce clarius est a natura proficisci, intactam reliquit; quin etiam, quod magis dolendum est, in sacros usque recessus penetravit. Hinc contemptio nascitur legum; hinc motus multitudinum; hinc petulantia reprehendendi quidquid iussum sit; hinc sexcentae repertae viae ad disciplinae nervos elidendos; hinc immania illorum fa-

(1) I. Ioan, III, 23.

(2) Ibid, 14.

cinora, qui, quum se nulla teneri lege profiteantur, nec fortunas hominum verentur nec vitam perdere.

Ad hanc opinandi agendique pravitatem, qua societatis humanae constitutio pervertitur, Nobis quidem, quibus magisterium veritatis divinitus mandatum est, tacere non licet; populosque admonemus illius doctrinae, quam nulla hominum placita mutare possunt: *Non est potestas nisi a Deo: quae autem sunt, a Deo ordinatae sunt* (1) Quisquis igitur inter homines praest, sive is princeps est sive infra principatum, eius divina est origo auctoritatis. Quare Paulus non quovis modo, sed religiose, id est ex conscientiae officio, obtemperandum iis esse edicit, qui pro potestate iubent, nisi, quid iubeant divinis contrarium legibus: *Ideo necessitate subditi estote, non solum propter iram, sed etiam propter conscientiam* (2). Congruit cum verbis Pauli, quod ipse Apostolorum Princeps docet: *Subiecti igitur estote omni humanae creaturae propter Deum sive regi, quasi praecellenti: sive ducibus, tanquam ab eo missis...* (3). Ex quo idem Gentium Apostolus colligit, eum qui homini legitime imperanti contumax obsistat, Deo obsistere ac sempiternas sibi parare poenas: *Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt* (4).

Meminerint hoc principes rectoresque popalorum, ac videant num prudens ac salutare consilium cum potestati publicae tum civitatibus sit a sancta Iesu Christi religione discedere, a qua tantum ipsa potestas habet roboris et firmamenti. Etiam atque etiam considerent, num doctrinam Evangelii et Ecclesiae velle a disciplina civitatis, a publica iuventutis institutione exclusam, civilis sapientiae sit. Nimis experiendo cognitum est, ibi hominum iacere

(1) Rom. XIII, 1.

(2) Ibid. 5.

(3) I. Petr. II, 13-14.

(4) Rom. XIII, 2.

auctoritatem, unde exsulet religio. Quod enim primo nostri generis parenti, cum officium deseruisset, contigit, idem civitatibus usu venire solet. Ut in illo, vix voluntas a Deo defecerat, effrenatae cupidines voluntatis repudiarent imperium: ita ubi qui res moderantur populorum, divinam contemnunt auctoritatem, ipsorum auctoritati illudere populi consueverunt. Relinquitur sane, quod assolet, ut ad turbidos motus comprimendos vis adhibeatur: sed quo tandem fructu? Vi corpora quidem, non animi comprimuntur.

Sublata igitur aut debilitata illa duplici coniunctione, unde efficitur ut omne societatis corpus cohaereat, id est vel membrorum cum membris ob caritatem mutuam, vel eorumdem cum capite ob auctoritatis obsequium, quisnam iure miretur, venerabiles Fratres, hanc hominum societatem dispertitam in duas tamquam acies videri, quae inter se acriter et assidue digladiantur? Stant contra eos quibus aliquam bonorum copiam aut fortuna tribuit aut peperit industria, proletarii et opifices, propterea flagrant malevolentia, quod cum eandem naturam participant, non tamen in eadem, ac ipsi, conditione versentur. Scilicet, ut semel infatuati sunt concitatorum fallaciis, quorum ad nutum solent se totos fingere, quis eis persuadeat, non ex eo, quod homines sunt pares natura, sequi ut parem omnes obtinere debeant in communitate locum, sed eam esse singulorum conditionem, quam sibi quisque suis moribus, nisi res obstiterint, comparavit? Ita, qui tenuiores cum copiosis depugnant, quasi alienas hi bonorum partes occuparint, non contra iustitiam caritatemque tantum, verum etiam contra rationem faciunt, praesertim cum et ipsi possint honesta laboris contentione meliorem sibi fortunam quarere, si vellent.—Quae vero quantaque hoc invidiosum certamen oportet singulis tum communitati

civium gignat incommoda, dicere nil attinet. Videmus omnes deploramusque crebras cessationes ab opere, quibus civilis publicaeque vitae cursus in ministeriis etiam apprimè necessariis repente inhiberi solet: item minaces turbas et tumultus, in quibus non raro accidit, ut armis res geratur et humanus effluat cruor.

Non hic videtur Nobis argumenta repetere, quibus *Socialistarum* aliorumque in hoc genere errores manifesto convincuntur. Egit hoc ipsum sapientissime Leo XIII decessor Noster in Encyclicis Litteris sane memorandis: vosque, venerabiles Fratres, pro vestra diligentia curabitis, ut gravissima illa praecepta ne unquam oblivioni dentur, imo in consociationibus ac coetibus catholicorum, in sacris concionibus, in publicis nostrorum scriptis illustrentur docte atque inculcentur, quandocumque res postulaverit. Sed potissimum neque enim hoc iterare dubitamus omni argumentorum ope, quae vel Evangelium, vel ipsa hominis natura, vel publicae privataeque disciplinae ratio supeditat, studeamus hortari omnes, ut, ex divina caritatis lege, fraternis animis inter se diligant. Cuius quidem amoris non ea certe vis est, ut conditionum ideoque ordinum distinctionem amoveat,—quod non magis potest fieri, quam ut in corpore animantis una eademque membrorum omnium actio sit ac dignitas—sed tamen efficiet, ut qui loco superiores sunt, demittant se quodammodo ad inferiores; et non solum iuste adversus eos, quod par est, sed benigne, comiter, patienter sese gerant: hi autem illorum et laetentur prosperitate et confidant auxilio; sic prorsus, uti ex familiae eiusdem filiis minor natu maioris patrocinio praesidioque nititur.

At enim, venerabiles Fratres, quae hactenus deplorando persecuti sumus, ea radicem habent altiore: ac, nisi ad ipsam evellendam studia bonorum incumbant, illud profecto, quod est in votis, id est, rerum humanarum stabilis et mansura tranquillitas, non sequatur. Ea quae sit, monstrat Apostolus: *Radix... omnium malorum est cupi-*

ditas (1). Etenim, si quis recte consideret, mala, quibus nunc aegrotat humana societas, ex hac stirpe oriuntur omnia. Quandoquidem et perversitate scholarum, quibus aetatula cerea fingitur, et improbitate scriptorum, quibus, quotidie aut per intervalla, imperitae multitudinis mens formatur, et aliarum causa rerum, ad quas opinio popularis exigitur, quando, inquam, ille infusus est animis perniciosissimus error, non sperandum esse homini sempiternum aevum in quo beatus sit; hic, hic licere ei esse beato, divitiis, honoribus, voluptatibus huius vitae fruendis; nemo mirabitur hos homines, natura factos ad beatitatem, ea vi qua ad eorum adeptionem bonorum rapiuntur, eadem quicquid sibi moram in hac re aut impedimentum fecerit, repellere. Quoniam vero haec bona non aequaliter dispersita sunt in singulos, et quia socialis auctoritatis est prohibere ne singulorum libertas fines excedat alienumque occupet, idcirco et odio habetur auctoritas, et miserorum in fortunatos ardet invidia, et inter ordines civium mutua contentione certatur, nitentibus quidem aliis attingere id quovis pacto et eripere quo carent, aliis autem retinere quod habent, atque etiam augere.

Hoc ipsum Christus Dominus cum prospiceret futurum, in divinissimo illo sermone, quem in monte habuit, terrestres hominis *beatitudines* quae essent, data opera explicavit: in quo christianae philosophiae quodammodo fundamenta posuisse dicendus est. Quae quidem vel hominibus perquam alienis a Fide, singularem sapientiam et absolutissimam de religione ac moribus doctrinam continere visa sunt: et certe consentiunt omnes neminem ante Christum, qui ipsa est veritas, nec similiter eadem de re, nec pari gravitate ac pondere, nec tanto cum sensu amoris unquam praecepisse.

Iam divinae huius philosophiae illa intima et recondita ratio est, quod quae mortalis vitae appellantur bona,

(1) I. Tim. VI 10.

speciem quidem boni habent, vim non habent; ideoque non sunt ea, quibus fruens, homo beate possit vivere. Deo enim auctore, tantum abest ut opes, gloria, voluptas beatitudinem arferant homini, ut, si vere hac potiri velit, debeant iis omnibus, Dei ipsius causa, carere: *Beati pauperes... Beati, qui nunc fletis. . Beati eritis cum vos oderint homines, et cum separaverint vos, et exprobraverint, et eiecerint nomen vestrum tamquam malum* (1) Scilicet per dolores aerumnas, miserias vitae huius si quidem ea toleremus ut oportet, aditum nobis ipsi patefacimus ad perfecta illa et immortalia bona, *quae praeparavit Deus iis, qui diligunt illum* (2) Verum haec tanti momenti doctrina Fidei apud plurimos negligitur, apud multos penitus oblitterata videtur.—Atqui necesse est, venerabiles Fratres, ad eam renovari omnium animos: non alio pacto homines et hominum societas conquiescent. Quicumque igitur quovis aerumnarum genere affliguntur, eos hortemur non oculos demittere in terram, qua peregrinamur, sed tollere ad caelum, quo tendimus: *non enim habemus hic manentem civitatem, sed futuram inquirimus* (3). In mediis autem rerum acerbitatibus, quibus eorum periclitatur Deus in officio constantiam, saepe reputent, quid sibi paratum sit praemii, cum ex hoc periculo victores evaserint; *Id enim, quod in praesenti est momentaneum et leve tribulationis nostrae, supra modum in sublimitate aeternum gloriae pondus operatur in nobis* (4). Denique omni ope atque opera eniti ut revirescat in hominibus rerum fides quae supra naturam sunt, simulque cultus; desideratio, spes bonorum aeternorum, hoc debet esse vobis propositum in primis, venerabiles Fratres, tum reliquo clero, tum etiam nostris omnibus, qui, vario consociati foedere, Dei

(1) Luc. VI, 20-22.

(2) I. Cor. II, 9.

(3) Hebr. XIII, 13.

(4) II. Cor. IV, 17.

gloriam communemque veri nominis utilitatem student promovere. Prout enim haec apud homines Fides creverit, decrescet eorumdem studium immodicum consecrandi terrestrium bonorum vanitatem, ac sensim, caritate resurgente, motus contentionesque sociales conticescent.

Nunc autem, si ab hominum communitate ad proprias Ecclesiae res considerandas cogitationem convertimus, est profecto, cur animus Noster, tam magna temporum calamitate percursus, aliqua saltem ex parte reficiatur. Nam, praeter argumenta, quae se dant appertissima, divinae illius virtutis ac firmitatis qua pollet Ecclesia, non parum consolationis ipsa Nobis offerunt, quae decessor Noster Pius X, cum Sedem Apostolicam sanctissimae vitae exemplis illustrasset, praeclara Nobis reliquit suae actuosae providentiae munera. Videmus enim eius opera inflammatum universe in sacro ordine studium religionis; excitatam christiani populi pietatem; promotam in consociationibus catholicorum actionem ac disciplinam; qua constitutas, qua numero auctas Episcoporum sedes; institutioni adolescentis cleri tum pro severitate canonum, tum, quoad opus est, pro natura temporum consultam; a magisteriis sacrarum disciplinarum depulsa temerariae novitatis pericula; maiestati sacrarum artem musicam digne servire iussam, auctumque liturgiae decus; novis praeconum Evangelii missionibus christianum late nomen propagatum.

Magna sunt ista quidem Decessoris in Ecclesiam promerita, quorum memoriam grate posteritas conservabit. Quoniam tamen ager *Patrisfamilias* semper, Deo permittente, *inimici hominis* malignitati patet, nunquam est futurum, ut ibi elaborandum non sit ne *sizania* luxuriantia bonis frugibus officiant. Itaque, interpretantes dictum quoque Nobis, quod prophetae Deus dixerat: *Ecce constui te hodie super gentes et super regna, ut evellas et*

destruas... et aedifices et plantes (1), quaecumque erunt mala prohibenda, bona provehenda, quantum erit in Nobis, summo usque studio curabimus, quoad Pastorum Principi rationem a Nobis administrati muneris placeat repetere.

Iam nunc igitur, venerabiles Fratres, cum vos universos primo litteris affamur, commodum videtur Nobis non nulla attingere capita rerum, quibus praecipuas quasdam curas adhibere decrevimus: ita, maturantibus vobis vestra opera adjuvare Nostram, maturius etiam optati fructus existent.

Principio, quoniam in omni hominum societate, quavis de causa coiverint, ad successum communis causae maxime interest socios in idem summa conspiratione conniti, omnino Nobis faciendum est, ut dissensiones atque discordiae inter catholicos, quaecumque sunt, desinant esse, novae ne posthac oriantur, sed ii iam unum idemque omnes et sentiant et agant. — Probe Dei Ecclesiaeque hostes intelligunt, nostrorum quodvis in propugnando dissidium sibi esse victoriae: quare illam habent usitatissimam rationem, ut cum catholicos homines viderint coniuctiores, tum, callide iniicientes eis discordiarum semina, coniunctionem, dirimere nitantur. Quae utinam ratio ne ita saepe ex voluntate eis evenisset, tanto cum religiosae rei detrimento! Itaque ubi potestas legitima quid certo praeceperit, nemine fas esto negligere praeceptum, propterea quia non probetur sibi: sed quod cuique videatur, id quisque subiiciat eius auctoritati, cui subest, eique, ex officii conscientia, pareat. — Item nemo privatus vel libris diariisve vulgandis vel sermonibus publice habendis, se in Ecclesia pro magistro gerat. Norunt omnes cui sit a Deo magisterium Ecclesiae datum.

(1) Ierem. 1, 10.

huic igitur integrum ius esto pro arbitrato loqui, cum voluerit; ceterorum officium est, loquenti religiose obsequi dictoque audientes esse. In rebus autem, de quibus: salva fide ac disciplina. —cum Apostolicae Sedis iudicium non intercesserit—in utramque partem disputari potest, dicere quid sentiat idque defendere, sane nemini non licet. Sed ab his disputationibus omnis intemperantia sermonis absit, quae graves afferre potest offensiones caritati; suam quisque tueatur libere quidem, sed modeste sententiam; nec sibi putet fas esse, qui contrariam teneant, eos, hac ipsa tantum causa, vel suspectae fidei arguere vel non bonae disciplinae. Abstineant se etiam nostri, volumus, iis appellationibus, quae recens usurpari coeptae sunt ad catholicos a catholicis distinguendos: easque non modo devitent uti *profanas vocum novitates*, quae nec veritati congruunt nec aequitati; sed etiam quia inde magna inter catholicos perturbatio sequitur, magnaue confusio. Vis et natura catholicae fidei est eiusmodi, ut nihil ei possit addi, nihil demi: aut omnis tenetur, aut omnis abiicitur. *Haec est fides catholica, quam nisi quisque fideliter firmiterque crediderit, salvus esse non poterit* (1). Non igitur opus est appositis ad professionem catholicam significandam; satis habeat unusquisque ita profiteri: «Christianus mihi nomen, catholicus cognomen»; tantum studeat se re vera eum esse, qui nominatur.

Ceterum, a nostris qui se ad communem rei catholicae utilitatem contulerunt, longe aliud nunc Ecclesia postulat, quam ut diutius haereant in quaestionibus, quibus nihil proficitur; postulat, ut summo opere contendant integram conservare fidem et incolumem ab omni erroris afflatu, sequentes eum maxime, quem Christus constituit custodem et interpretem veritatis. Sunt etiam hodie, nec ita pauci sunt, qui, ut ait Apostolus, «praeorientes auribus, cum sanam doctrinam non sustineant,

(1) Symb. Athanas.

«ad sua desideria coacervent sibi magistros, et a veritate quidem auditum avertant, ad fabulas autem convertantur» (1). Inflat enim elatique magna opinione mentis humanae, quae progressiones sane incredibiles in exploratione naturae, Deo nimirum dante, fecit; nonnulli, cum prae suo iudicio auctoritatem Ecclesiae contemnerent, usque eo sua temeritate processerunt, ut ipsa Dei arcana et omnia quae Deus homini revelavit, sua intelligendi facultate metiri atque ad ingenium horum temporum accommodare non dubitarent. Itaque exstiterunt monstruosi errores *Modernismi*, quem recte Decessor Noster «*omnium haereseon collectum*» edixit esse et sollemniter condemnavit. Eam Nos igitur condemnationem, venerabiles Fratres, quantacumque est, hic iteramus; et quoniam non usquequaque oppressa est tam pestifera lues, sed etiamnum hac illac, quamvis latenter, serpit, caveant omnes diligentissime, hortamur, a quavis huius contagione mali; de quo quidem apte affirmaveris quod Iob alia de re dixerat: *Ignis est usque ad perditionem devorans, et omnia eradicans genimina* (2). —Nec vero tantum ab erroribus catholici homines, cupimus, abhorreant, sed ab ingenio etiam, seu spiritu, ut aiunt, *Modernistarum*; quo spiritu qui agitur, is quicquid sapiat vetustatem, fastidiose respuit, avidè autem ubivis nova conquirat: in ratione loquendi de rebus divinis, in celebritate divini cultus, in catholicis institutis, in privata ipsa exercitatione pietatis. Ergo sanctam haberi volumus eam maiorem legem: *Nihil innovetur, nisi quoad traditum est*; quae lex tametsi inviolate servanda est in rebus Fidei, tamen ad eius normam dirigenda sunt etiam, quae mutationem pati possunt, quamquam in his ea quoque regula plerumque valet: *non Nova, sed moviter*.

Iam, quia, venerabiles Fratres, ad profitendam aperte

(1) Tim. IV, 3, 4.

(2) XXXI, 12.

Fidem catholicam atque ad vivendum congruenter Fidei, plurimum homines fraternis hortamentis mutisque exemplis inflammari solent, ideo Nos alias atque alias excitari consociationes catholicorum equidem vehementer gaudemus. Atque illae non solum optamus ut crescant, sed volumus Nostro etiam patrocinio studioque semper floreat: floreant autem, modo praescriptionibus quas haec Apostolica Sedes iam dedit vel datura eis est, constanter fideliterque obtemperarint. Quotquot igitur, earum participes societatum, pro Deo Ecclesiaeque contendunt, ne sinant unquam sibi excidere quod Sapientia clamat: *Vir obediens loquetur victoriam* (1); nisi enim Deo paruerint per obsequium in Ecclesiae ducem, nec divinam sibi conciliabunt opem, et frustra contendunt.

Ad haec omnia vero—ut eum, quem exspectamus, exitum habeant—nostis, venerabiles Fratres, illorum necessariam esse prudentem sedulamque operam, quos Christus Dominus *operarios in messem suam* misit, id est clericorum —Quare intelligitis praecipuam vestram curam in hoc debere versari, ut et qui apud vos de sacro ordine iam sunt, in eis consentaneam sanctimoniam foveatis, et qui sunt alumni sacrorum, eos optimis institutis praecipisque ad munus tam sanctum rite conformetis. Id vos ut quam diligentissime facere velitis—tametsi vestra diligentia hortatione non indigent—hortamur atque etiam obsecramus. Res enim eiusmodi agitur, ut nulla sit maioris momenti ad Ecclesiae bonum: qua de re, cum decessores Nostri fel. rec. Leo XIII et Pius X egerint data opera, Nos hic plura dicere non habemus. Tantum rogamus, ut illa Pontificum sapientissimorum acta, praesertim *Piana Exhortatio ad Clerum* suadentibus atque instantibus vobis, ne unquam obruantur oblivione, sed studiosissime observentur.

Unum tamen est, quod praeteriri silentio non debet: quotquot enim sunt sacerdotes, omnes, uti filios Nobis pe-

(1) Prov. XXI, 28.

nitus dilectos, volumus admonitos, quam plane opus sit, cum ad propriam ipsorum salutem, tum ad sacri ministerii fructum, eos quidem suo quemque Episcopo coniunctissimos esse, atque obsequentissimos. Profecto ab illa elatione animi et contumacia, quae horum est temporum, non omnes, ut supra deploravimus, vacant administri sacrorum; neque enim raro contingit Pastoribus Ecclesiae, ut dolorem et impugnationem inde inveniant, unde solatium et adiumentum iure expectarint. Iam vero qui tam misere officium deserunt etiam atque etiam recogitent, divinam esse eorum auctoritatem, quos *Spiritus Sanctus posuit Episcopos regere Ecclesiam Dei* (1). ac si, ut vidimus, Deo resistunt, quicumque potestati cuivis legitimae resistunt, multo magis impie eos facere, qui Episcopis, quos Deus suae potestatis sigillo consecraverit, parere abnuant. *Cum caritas*, ita Ignatius Martyr, *non sinat me tacere de vobis, propterea anteverti vos admonere, ut unanimi sitis in sententia Dei. Etenim Iesus Christus, inseparabilis nostra vita, sententia Patris est, ut et Episcopi, per tractus terrae constituti, in sententia Patris sunt. Unde decet vos in Episcopi sententiam concurrere* (2). Quemadmodum autem Martyr illustris, ita omnes, quotquot fuerunt, Patres et Doctores Ecclesiae locuti sunt.—Ad haec, nimis grave, propter difficultates quoque temporum, sacri Pastores ferunt onus; graviore etiam in sollicitudine sunt de gregis concrediti salute: *Ipsi enim pervigilant, quasi rationem pro animabus vestris reddituri* (3). Nonne crudeles dicendi sunt, qui eis, obsequium debitum recusando, id oneris, id sollicitudinis augent? *Hoc enim non expedit vobis* (4), diceret istis Apostolus: idque propterea quia *Ecclesia est*

(1) Act. XX, 28.

(2) In Epist. ad Ephes., III.

(3) Hebr. XIII, 17.

(4) Ibid. 17.

plebs sacerdoti adunata, et pastori suo grex adhaerens (1); ex quo sequitur, cum Ecclesia non esse, qui cum Episcopo non sit.

Et nunc, venerabiles Fratres, in harum exitu litterarum sponte redit animus ad illud, unde initium scribendi fecimus; atque haec calamitosissimi belli finem, tum societati hominum, tum Ecclesiae, iterum omnibus precibus imploramus; hominum quidem societati, ut, reconciliata cum fuerit pax, in omni civili et humano cultu vere progrediatur: Ecclesiae autem Iesu Christi, ut, nullis iam impedimentis retardata, pergat in quavis ora ac parte terrarum opem et salutem hominibus afferre. — Ecclesia sane iam multo diutius non ea, qua opus habet, plena libertate fruitur; scilicet ex quo caput eius Pontifex Romanus illo coepit carere praesidio, quod, divinae providentiae nutu, labentibus saeculis nactus erat ad eandem tuendam libertatem. Hoc autem sublato praesidio, non levis catholicorum turbatio, quod necesse erat fieri, secuta est: quicumque enim Romani Pontificis se filios profitentur, omnes, et qui prope sunt et qui procul, iure optimo exigunt ut nequeat dubitari, quin communis ipsorum Parens in administratione Apostolici muneris vere sit et prorsus appareat ab omni humana potestate liber. Itaque magnopere exoptantes ut pacem quamprimum gentes inter se componant, exoptamus etiam ut Ecclesiae Caput in hac desinat absona conditione versari, quae ipsi tranquillitati populorum, non uno nomine, vehementer nocet. Hac igitur super re, quas Decessores Nostri pluries expostulationes fecerunt, non quidem humanis rationibus, sed officii sanctitate adducti, ut videlicet iura ac dignitatem Sedis Apostolicae defenderent, easdem Nos iisdem de causis hic renovamus.


(1) S. Cypr. «Florentio cui et Puppiano» ep. 66 (al. 69).

Restat, venerabiles Fratres, ut quoniam principum eorumque omnium, qui possunt vel atrocitati vel incommoditati rerum, quas memoravimus, finem imponere, in manu Dei sunt voluntates, ad Deum suppliciter attollamus vocem, atque, universi generis humani nomine, clamemos: «Da pacem Domine, in diebus nostris». Qui de se dixit: *Ego Dominus... faciens pacem* (1). Ipse tempestatum fluctus, quibus et civilis et religiosa societas iactatur, nostris conversus precibus ad benignitatem, sedare celeriter velit. Adsit nobis propitia Virgo beatissima, quae ipsum genuit *Principem pacis*; ac Nostrae humilitatem Personae, Pontificale ministerium Nostrum, Ecclesiam atque adeo omnium animas hominum, divino Filii sui sanguine redemptas, in maternam suam fidem tutelamque recipiat.

Auspicem caelestium munerum ac testem benevolentiae Nostrae, vobis, venerabiles Fratres, vestroque clero et populo apostolicam benedictionem amantissime impertimus.

Datum Romae apud S. Petram die festo Sanctorum omnium, 1 Novembris MCMXIV, Pontificatus Nostri anno primo.

BENEDICTUS PP XV.



(1) Isai. XLV, 6-7.

Santa Pastoral Visita

El Ilmo. Sr. Obispo ha continuado la de esta Ciudad, practicándola el día 30 de Noviembre en el Santo Hospital, el día 2 de Diciembre en el Hospicio, el día 4 en el Colegio de Carmelitas, el día 7 en el Asilo de Hermanitas de Ancianos desamparados, el día 9 en la casa de las Siervas de Jesús, el día 11 en el Asilo de Beneficencia y el día 14 en la Asociación de Caridad.

En todos los dichos establecimientos después de hacer en la Iglesia o Capilla cuanto la rúbrica prescribe, dirigió su evangélica palabra a los presentes, visitó después minuciosamente las casas con todas sus dependencias y en las que hay asilados enfermos, conversó afablemente con cada uno de ellos, dándoles con paternal bondad saludables consejos, dejando también en todas el socorro material de abundante limosna, atendiendo de este modo con su caridad inagotable á las necesidades espirituales y materiales de los visitados que han procurado corresponder al paternal amor del Ilmo. Prelado con las mayores muestras de respetuoso y filial cariño.

S. S. I. ha quedado altamente complacido de la buena administración, orden y limpieza de las casas visitadas y de la virtud y abnegación de las personas, tanto Religiosas como sacerdotes y seglares que intervienen en su gobierno y operaciones.

Administración de Cruzada

Se han recibido en esta Administración los Sumarios para la próxima predicación de 1915, pueden por tanto los Sres. Arciprestes recoger por sí u ordenar a persona autorizada que recoja los que conceptúen necesarios para sus

respectivos distritos. Los que deseen utilizar las vías férreas indicarán la estación a donde han de remitirse.

No habiendo los Sres. Arciprestes podido cumplimentar la relación pedida por esta Administración, de orden expresa del Ilmo. Sr. Obispo, referente a las Bulas y Sumarios expendidas en todas y cada una de las parroquias de sus distritos, por no haber hecho sus liquidaciones los encargados de la distribución en las mismas, encarece esta Administración a estos señores se sirvan hacer la liquidación de sus cuentas a dichos Sres. Arciprestes, acompañando los sobrantes, que tengan antes del 31 de los corrientes.

Los Sres. Arciprestes se servirán enviar los sobrantes y hacer sus liquidaciones en todo el mes de Enero, y acompañar a la última remesa de Bulas sobrantes la cuenta general de su distrito en la relación pedida; debiendo tener presente que en Febrero, según costumbre, se levantará acta notarial de los Sumarios sobrantes de 1914 y que practicada esta diligencia no se pueden admitir más.

León 15 de Diciembre de 1914 —El Administrador,
Rogelio Arias, Pbro.

Suprema S. Congregatio S. Officii

DECRETUM

Seu declaratio circa inscriptionem et transmissionem nominum fidelium adlectorum in pias confraternitates


Cum S. Congregatio indulgentiis sacrisque Reliquiis praeposita, die 16 iulii, anno 1837, declaraverit, inscriptionem nominum christifidelium, qui in Confraternitates proprie dictas cooptantur, esse omnino ad lucrandas indulgentias necessariam; et ex decreto eiusdem S. Congregationis, d. d. 18 augusti 1868, sacerdotes alicuius ex re-

latis Confraternitatibus rectoris munere carentes, quamprimo commode possunt, transmittere teneantur ad Superiores respectivae Sodalitatis viciniore canonice erectae nomina receptorum, ut in album ipsius Sodalitatis referantur; dubitari coeptum est, an fideles ex ipso die inscriptionis, ad indulgentias lucrandas jus haberent, etsi eorum nomina nondum ad Sodalitatem pervenerint. Et S. eadem Congregatio, diebus 12 decembris 1892 et 15 novembris 1893, affirmativam responsionem protulit Si tamen, sive ex negligentia, sive ex alia causa, fidelium nomina numquam ad Sodalitatem transmittantur, novum exoritur dubium, an aliquando, et quonam tandem tempore, fideles indulgentiarum beneficio censendi sint decidisse. Qua de re supplicatum est apud Ssmum D. N. Pium div. prov. Pp. X, ut mentem suam vellet aperire, et defectus ex hoc capite hucusque per quoscumque sacerdotes forte admissos benigne sanare. Et Sanctitas sua, in solita audientia, die 23 aprilis 1914, R. P. Adessori S. Officii impertita, praevia sanatione omnium defectuum hucusque admissorum in inscriptione et transmissione nominum christifidelium, qui ad quamcumque piam Sodalitatem cooptati, fuerint, declaravit firma remanente in conscientia obligatione inscribendi et transmittendi nomina, iuxta decreta aliasque S. Sedi praescriptiones, fideles, eo ipso quo a legitime deputato admittuntur, rite adscriptos censi, ad effectum tantummodo ut indulgentias lucrari aliarumque gratiarum spiritualium participes fieri valeant, etiamsi eorum nomina, quacumque ex causa in album Sodalitatis relata non fuerint. Contrariis quibuscumque non obstantibus.

D. Card. Ferrata, *Secretarius*

L. ✠ S.


D. Archiep. Seleucien., *Ads. S. O.*



Suscripciones abiertas en el Obispado de León

Para el Dinero de San Pedro

	<u>Ptas.</u>	<u>Cts.</u>
SUMA ANTERIOR.	1.821	95
El Párroco de Castellanos.....	2	50
De Valmartino.....	2	50
De Villapadierna.....	3	»
De Rueda del Almirante.....	2	»
Del Párroco de Grulleros.....	5	»
<i>Suma total de lo recaudado en el presente año.</i>	1.836	95



Para los Santos Lugares de Jerusalén

	<u>PTAS.</u>	<u>CTS</u>
SUMA ANTERIOR.. . . .	1 152	»
Del Párroco de Espinama.....	2	»
De Riego del Monte.....	1	»
Del Párroco de Lillo.....	5	»
De Castellanos.....	9	»
De Villapadierna.....	2	»
De Aleje.....	2	50
De La Vecilla.....	2	»
<i>Suma total de lo recaudado en el presente año.</i>	1.175	50



Para las Misiones de Africa

	<u>PTAS.</u>	<u>CTS.</u>
SUMA ANTERIOR.....	413	62
De Vega Riacos.....	2	»
El Párroco de Villavelasco.....	1	»
De Boñar.....	22	»
<i>Suma total de lo recaudado en el presente año.</i>	<u>438</u>	<u>62</u>

NOMBRAMIENTOS

El Ilmo. y Rvdmo. Prelado^o ha tenido a bien hacer los siguientes:

Arcipreste del distrito de Mansilla de las Mulas a don Anastasio Reyero Arenes, Párroco de Valle de Mansilla.

Teniente Arcipreste de idem a D. Gregorio Herrero Merino, Párroco de Santas Martas.

Ecónomo de Mansilla Mayor, a D. Jesús Llorente Meana.

Procurador de este Tribunal Eclesiástico a D. Serafin Largo Gómez.

SANTAS MISIONES

EN CARBAJAL DE LA LEGUA

Terminaron felizmente y con resultado en extremo halagüeño el día 29 del próximo pasado Noviembre las dirigidas por los RR. PP. Izquierdo y Ubeso S. J. Todos los actos de la misión estuvieron concurridísimos, especialmente el ejercicio de la tarde, reinando siempre la mayor compostura y devoción.

Se distribuyeron 432 comuniones, acercándose a la Sagrada Mesa no pocas personas más de un día, pues en la parroquia solo hay 232 almas de comunión.

EN NAVATEJERA

Los mismos PP. las dieron en este pueblo, concluyendo el día 6 del corriente, siendo la concurrencia lo más numerosa que podía esperarse, pues asistieron todos los fieles, y edificante el fervor que demostraban en todos los actos. Las comuniones pasaron de 640 siendo solo 420 el número de almas a quienes obliga el precepto de la Comunión. Se estableció la Congregación del S. C. de Jesús, habiéndose inscrito más de doscientas personas.

EN VILLAR DE MAZARIFE

Los RR. PP. Paules Pedro Pazos y Francisco Ful dieron misiones en este pueblo desde el día 22 al 29 del

próximo pasado Noviembre. A ellas concurren también los pueblos de Mozóndiga y Fogedo, asistiendo a todos los actos con edificante piedad la inmensa mayoría de los fieles de los tres pueblos. El abundante fruto obtenido, puede conocerse por el número de comuniones distribuidas que pasaron de 1.000, comulgando todos los misionados y muchos más de un día.

EN CHOZAS DE ABAJO

Los mismos PP. las dieron desde el día 29 de Noviembre al 6 de Diciembre en Chozas de Abajo. Asistieron también los pueblos de Chozas de Arriba y Antimio de Arriba.

El fervor ha igualado al del centro anterior habiendo comulgado todos, y muchos varios días. El último día se celebró una solemnísimá procesión con el Santísimo Sacramento en la que formaban los socios del Apostolado e Hijas de María, demostrando todos intensísima devoción y religioso entusiasmo.

EN RELIEGOS

Un Tríduo misión dado en este pueblo por los Reverendos Padres Tomás de Lodares y Francisco de Santiabáñez, Capuchinos, desde el día 25 al 29 de Noviembre, ha sido de gran provecho espiritual para sus religiosos habitantes. Asistieron todos sin excepción ninguna a los ejercicios del Triduo, observando tal compostura, que el pueblo aquellos días parecía un convento de religiosos en

tiempo de ejercicios espirituales; comulgaron también todos el último día, pidiéndose perdón y perdonándose mutuamente padres e hijos, lo que resultó en alto grado conmovedor y edificante, principalmente por la sinceridad que revelaban las lágrimas derramadas.

El recibimiento y despedida hechos a los PP. Misioneros en todos los centros han sido entusiastas y cariñosísimos.

Los PP., como siempre, celosísimos e incansables y los sacerdotes encargados de las parroquias haciendo cuanto estuvo de su parte para obtener el mayor fruto, que la gracia de Dios ha hecho copiosísimo.

Todos los pueblos misionados dan gracias a Dios Nuestro Señor, de quien procede todo bien, por tan incomparable beneficio, y al Ilustrísimo Sr. Obispo, que inspirado por Él, se le ha proporcionado.



NECROLOGIA

Núm. 17

El día 29 del próximo pasado Noviembre falleció después de larga y penosa enfermedad, sufrida con piadosa resignación, el Presbítero don Felipe Martínez Malagón, vicario de Palacios de Fontecha, a los 41 años de edad. Pertenece a la Asociación de Sufragios y tenía aplicadas las misas, por tanto los socios celebrarán por él la de Reglamento.

Núm 18

El día 4 del actual murió a los 75 años de edad el benemérito párroco de Liegos, D. Bernabé de la Puerta. También pertenecía a la Asociación de Sufragios y había aplicado las misas, debiendo por tanto los socios aplicar por él la de Reglamento.

El 29 del próximo pasado Noviembre falleció a los 73 años de edad el celoso y muy ilustrado párroco de Mansilla Mayor y Teniente-Arcipreste de Mansilla, D. Juan Merino Martínez.

Los tres recibieron con gran fervor los Santos Sacramentos y la B. A. y aunque es de esperar, que estén en la Gloria, pedimos a los lectores del BOLETIN ruegen a Dios por ellos, y a los que lo hicieren, el Ilmo. y Rdmo. señor Obispo concede 50 dias de Indulgencia en la forma acostumbrada.

R. I. P.

